



## SIARAN AKHBAR

S.A. 2022/03/29\_25 (HQ)

### **AIR SUNGAI DI HILIR EMPANGAN KENYIR AKAN KEMBALI KE PARAS NORMAL**

Paras air sungai di hilir Empangan Kenyir yang susut berikutan pemberhentian sementara operasi Stesen Janalektrik Sultan Mahmud (SJSM) sejak 27 Februari lalu dijangka akan meningkat semula bermula hari ini.

Peningkatan paras air ini akan membantu penduduk sekitar aliran sungai untuk meneruskan aktiviti ekonomi di sepanjang sungai.

Air dari Tasik Kenyir akan mengalir melalui alur limpah Empangan Kenyir, satu proses normal bagi sesebuah empangan untuk mengurangkan paras tasik, bagi memastikan paras air tasik tidak melebihi struktur empangan.

Pelepasan air secara semulajadi (natural) pada paras 145 meter ini adalah mengikut rekabentuk asal yang jauh lebih rendah daripada paras 153 meter kapasiti maksimum Empangan Kenyir.

Walaupun peningkatan paras sungai dijangka tidak mendadak, penduduk sekitar adalah dinasihatkan untuk sentiasa mengutamakan keselamatan sepanjang pelepasan air ini berlaku.

Operasi SJSM ditutup sementara bermula 27 Februari lalu berikutan menara penghantaran voltan tinggi bagi menyalurkan tenaga elektrik yang dijananya kepada Grid Nasional, tumbang akibat tanah runtuh dalam keadaan hujan lebat luar biasa bermula 25 Februari.

**Dikeluarkan di Kuala Lumpur pada 29 March 2022, jam 11:40 pagi**

*Untuk pertanyaan lanjut media, sila hubungi Hanim Idris 019-2617617 /*

*Grace Tan 016-6626229 / Asma' Razak 013-2505433*

*atau emel kami: [media@tnb.com.my](mailto:media@tnb.com.my)*